

和16  
1602  
1





和6  
1.602  
1

1  
[Faint, illegible handwritten text]



同治戊辰補刊

# 柳文惠公全集

本祠藏版



明法四十年九月吉  
為早編田大與子事  
務備員故帶政  
吉近福宮贈(庶吏)  
坪內雄藏  
前田秀軒  
田中唯一  
東儀季治  
前田多藏  
服藤利夫

柳文序

夔州刺史劉禹錫纂

八音與政通而文章與時高下三代之文至戰國而病涉  
秦漢復起漢之文至列國而病唐興復起夫政靡而土裂  
三光五嶽之氣分大音不完故必混一而後大振初貞元  
中上方嚮文章昭回之光下飾萬物天下文士爭執所長  
與時而奮粲然如繁星麗天而芒寒色正人望而敬者五  
行而已河東柳子厚斯人望而敬者歟子厚始以童子有  
奇名於貞元初至九年為名進士十有九年為材御史二  
十有一年以文章稱首入尚書為禮部員外郎是歲以疎  
僑少檢獲詘出牧邵州又謫佐永州居十年詔書徵不用

卯文

序

一



遂爲柳州刺史五歲不得召歸病且革留書抵其友中山  
劉禹錫曰我不幸卒以謫死以遺草累故人禹錫執書以  
泣遂編次爲四十五通行於世子厚之喪昌黎韓退之誌  
其墓且以書來弔曰哀哉若人之不淑吾嘗評其文雄深  
雅健似司馬子長崔蔡不足多也安定皇甫湜於文章少  
所推讓亦以退之言爲然凡子厚名氏與仕與年暨行已  
之大方有退之之誌若祭文在今附于第一通之末云

柳文序

終

柳文惠公集序

柳文惠公以清雄之才思欲跨騰風雲孤行其志而乃誤  
墮塵網謫永移柳流落南服十餘年實志以逝昌黎墓誌  
詳言之余少時讀公文憫公遇不覺心折而思尙友焉道  
光己酉作吏湘南竊喜償所願顧十數年宦轍從未涉永  
境又疑其有數存焉同治甲子擢永守越二年始履任桂  
林龔譜香明府適筦郡釐局出公集見贈知集刊於甯遠  
楊紫卿徵士旋爲書賈所有賴局紳李君笠帆贖而存余  
甚躋之明年李君旋省門歸集板於公祠會甄別濂溪書  
院得柳生染衣翁湘濟兩卷詢知爲河東裔則索其族譜  
而觀之惜僅載 國初以來其由唐至明舊譜久淪兵  
厄文

序



燹無從上溯則又稽諸府志論公於元泰定帝致和元年  
邀謚法公第宗一卒於永是爲柳氏居永始祖明零陵生  
員柳應權者爲宗一之後子四孫十餘人志列先正傳行  
義門隆慶間貢生楊一第修郡志訂公文集行於世祠藏  
舊本十六冊爲嘉慶壬申以前物雖殘缺然筆墨古拙紙  
材黧黹足爲公集魯靈光郡城華巖巖舊有公題名數十  
年來失所在今春訪得之亟榻以傳世公祠舊有蘇文忠  
公所書荔子碑爲 國初魏和旭太守紹芳由柳州原  
本摹刻者重爲兵勇童稚所摧字畫多剝落適鄱湖譚仲  
維以新得柳州拓本見示擬分四石嵌祠壁而泐之蓋至  
是而公之裔之文之譜與夫題名廟碑始蒼萃而一以貫

之矣譜載乾隆二十三年學使者鄭虎文爲置奉祀生以  
族力不齊尋廢今其後裔邀隣佑白諸縣請復之公祠在  
零陵者八以愚溪爲最世傳七月十三日爲公初度祝者  
無算咸酺歡以去主者不索錢蓋祠租足以供所費云春  
秋演劇婦女毋觀祠外而屢百餘家居民倍之執業罕卑  
汚者於以知公之流澤長而清風足礪百世矣方公謫永  
時水有螭患民苦火災公爲文懇螭而逐畢方患遂息事  
與驅鱷同然則公固有功於永民而不止以文詩昌後學  
已乃世俗動以多石少人一語爲公詬病而不合全文以  
觀之無怪其以文害辭以辭害義也余來永年餘於公所  
記石城袁家渴西山諸勝境未暇縱探而往來愚溪覺水



色山光恣載靈氣既訂公集拔公裔釐公族譜又適獲公  
題名而荔子碑已得善本將拓而新之於三十餘年尙友  
私衷庶幾少慰昔初願所不及者爰爲之序而刊之同治  
六年歲次丁卯十月既望道銜永州府知府輝發廷桂序  
於愚園萬石山房

跋

昔在吳門從仁和王杏樓師受古文師以韓柳年譜見贈  
字畫嚴重紙頁舊且精逼真宋板也姚星甫師爲題簽奉  
爲枕中秘尋以赴粵舟行書篋爲水所敗深惜之去年序  
公集既付刊而意若嘆則以前函久失徒憶良朋耳會家  
玉符兄由灤陽以函來折疊頗厚似有書卷也者啟視則  
兄以手抄公年譜覆寄也狂喜欲絕如逢故吾復屬零陵  
茂才校正 古有同癖更從新唐書中叅互  
考訂得若干條遂同付梓噫公集得譜而全譜得新唐書  
而無差謬乃以四十餘年已亡之籍六千里外僅達之書  
適爲公集補千百餘年之缺略此其中殆有數焉爰截錄



家兄來書俾知得譜端委讀是集者其亦有志於尙友乎

同治戊辰二月廷桂再跋

附刊麒麟玉符家兄來函

寄來柳集末卷目內韓昌黎誌銘等誤刊劉夢得天論三篇不知何故可檢韓集易之又年譜有序無譜兄處恰有

韓柳年譜一書仿宋槧極工乃壬戌喬崔今特抄錄寄去

可刊入譜序之前便是一完書也柳州學問本有根柢只

以功名太熱致爲八關十六子所累困頓以終觀其自承

迄柳所作文字大抵謾罵之處較多加以乞憐殊乖儒者

身分然其才實不易得而其遇尤可矜表章而俎豆之正

守土者所有事也

大曆八年癸丑

子厚生代宗之十一年也

大曆十一年丙辰

集有先太夫人盧氏歸附誌云宗元始四歲居京城西

田廬中先君在吳家無書太夫人教古賦十四首皆諷

傳之卽此年也

貞元元年乙丑

按唐本紀德宗興元元年二月甲子李懷光反貞元元

年八月甲戌伏誅是年有爲崔中丞賀平李懷光表劉

夢得作集序云子厚始以童子有奇名於貞元初

貞元五年己巳



與楊誨之書云吾年十七求進士卽此年也有爲文武百官請復尊號表三首

貞元六年庚午

是年有與權補闕書注云時年十八爲文武百官請復尊號表三首又大會議表二首

並見外集

貞元八年壬申

是年貢於京師有送苑論詩序云八年冬余與馬邑苑言揚聯貢於京師是歲小司徒顧公守春官之缺而權擇士之柄明年春同趨權衡之下並就重輕之試二月丙子有司題甲乙之科揭於南宮余與兄又聯登焉

貞元九年癸酉

是年登進士第集有先侍御史府君神道表云貞元九年宗元得進士第上問有司曰得無以朝士子冒進者乎有司以聞上曰是故抗姦臣竇參者邪吾知其不爲子求舉矣是年有送苑論詩序

貞元十二年丙子

按唐史言宗元少精敏絕倫爲文章卓偉精緻一時輩行推仰第進士博學宏辭科授校書郎調藍田尉其與楊誨之書云吾年二十四求博學宏辭卽貞元十二年也是歲有終南山祠堂碑太白山祠堂碑邠甯進奏院記與大理崔少卿敬叔父殿中侍御史墓版文殿中侍御史柳公墓表叔妣陸氏夫人遷附誌萬年縣丞柳君

卯文



墓誌監察御史周君墓表

貞元十四年戊寅

與楊誨之書云二十四求博學宏辭二年乃得仕蓋此  
年也

貞元十五年己卯

是年有柳常侍行狀亡妻弘農楊氏誌國子司業陽城  
遺愛碣與太學諸生書書之首云二十六日集賢殿正  
字柳宗元則子厚是時蓋在書府也有辯侵伐論注云  
在集賢院為徵天下兵討淮西作

貞元十六年庚辰

是年有賀嘉瓜白兔等表溫縣主簿韓君墓誌伯祖妣

李夫人墓誌亡姊裴氏夫人墓誌

貞元十七年辛巳

是年有南岳雲峯寺和尚碑叔父祭六伯母文亡姑陳  
氏夫人墓誌

貞元十八年壬午

是年有武功縣丞壁記整屋縣新食堂記京兆府請復  
尊號表三首為耆老等請復尊號表為京畿父老上宰  
相狀為京畿父老上尹狀亡友校書郎獨孤君墓誌

貞元十九年癸未

是年為監察御史裏行劉夢得集序云十有九年為材  
御史是也有讓監察御史狀禡說朝日說為李京兆祭



楊郎中文兵部楊君墓碣弘農令柳府君墳前石表送  
文暢上人序

貞元二十年甲申

是年有監祭使壁記南嶽般舟和尚第二碑祭李中丞  
文尚書戶部郎中魏府君墓誌

永貞元年乙酉

順宗以貞元二十一年正月丙申卽位三月癸巳立廣  
陵郡王爲皇太子有賀立皇太子表八月庚子立皇太  
子爲皇帝自稱太上皇有百寮賀表辛丑改元永貞有  
賀改元赦表乙巳憲宗卽位有卽位禮畢賀表賀册太  
上皇后及禮畢表請聽政表三首是年入尚書爲禮部

員外郎與蕭逸書云僕當時年三十三甚少自御史裏  
行得禮部員外超取顯美欲免世之求進者怪怒媚嫉  
其可得乎蓋是年子厚年三十三也以王叔文黨貶邵  
州刺史又貶永州司馬有陳給事行狀戶部侍郎王公  
太夫人劉氏墓誌潞州兵曹柳君墓誌

元和元年丙戌

正月丁卯大赦改元有賀改元赦表劍門銘嚴東川啟  
先侍御史府君神道表東明張先生墓誌陸文通先生  
墓表連州司馬凌君權厝誌哭連州凌司馬詩

元和二年丁亥

有懲咎賦送趙大秀才往江陵序先太夫人盧氏歸附



元和三年戊子

有貞符非國語與呂道州書與王參元書答吳武陵書  
同吳秀才贈李睦州詩序貞符序言臣所貶州有流人  
吳武陵為臣言董仲舒對三代受命之符而元和四年  
有與楊京兆書云去年吳武陵來美其齒少才氣壯健  
可以與西漢之文章則吳武陵之來永州蓋在是年也  
有龍安海禪師碑凌君墓後誌送婁圖南遊淮南序酬  
婁秀才早秋月夜病中見寄酬婁秀才將之淮南見贈  
之作遊南亭夜還叙志七十韻特進南公睢陽廟碑

元和四年己丑

是年子厚年三十七在永州有與裴墳蕭俛李建楊京  
兆許京兆等書與蕭書云人生少得六七十者今已三  
十七矣與李書云前過三十七年與瞬息無異又云裴  
應叔蕭思謙各有書足下求取觀之應叔墳也思謙俛  
也與楊京兆書云永州多火災五年之間四為大火所  
迫答許京兆書云伏念得罪來五年未嘗有故舊肯以  
書見及者則子厚自永貞元年貶至是五年也又有為  
南承嗣請從軍狀送南涪州量移澧州序送內弟盧遵  
遊桂州序寄桂州李中丞薦盧遵啟新作法華寺西亭  
記始得西山燕遊記鈞鉅潭記鈞鉅西小邱記邱西小  
石潭記小姪女子墓埽記



元和五年庚寅

是年有與揚州李相公第二啟與楊誨之書說車贈楊誨之送從弟謀序讀韓愈所作毛穎傳後題太府李卿外婦馬淑誌趙秀才羣墓誌下殤女子墓塋記聞籍田有感詩

元和六年辛卯

有上西川武相公啟再與楊誨之書為柳公綽謝上表祭呂化光文衡州刺史東平呂君誄試大理評事柳君墓誌同劉二十八哭呂衡州詩

元和七年壬辰

有賀皇太子踐上嶺南鄭相公啟弘農公左官三歲復

為大僚獻詩五十韻送崔策序武岡銘袁家渴記石渠記石澗記小石城山記永州刺史崔君權厝誌祭崔使君文

元和八年癸巳

有逐畢方文黃溪記鐵鑪步志答韋中立書呂侍御墓誌祭呂敬叔文

元和九年甲午

有囚山賦起廢答段太尉逸事狀與韓愈書上河陽烏尚書啟斥鼻亭神記文宣王道州廟碑南岳大明寺律和尚碑湘源二妃廟碑處士段弘古墓誌詣追赴都迴寄零陵親故詩過衡山見新花開卻寄弟詩汨羅遇風

卯文



詩北還登漢陽北原題臨川驛詩界圍巖水簾詩戲贈  
詔追南來諸賓詩

元和十年乙未

有詔追赴都二月至灞亭上詩云十一年前南渡客四  
千里外北歸人又酬寶員外見促行騎詩云投荒垂一  
紀新詔下荆扉蓋子厚之貶至是十一年也退之墓誌  
云元和中嘗例召至京師又皆出爲刺史而子厚得柳  
州有衡陽與夢得分路贈別詩重別夢得詩三贈詩再  
上湘江詩其贈別詩云十年頗頓到秦京誰料翻爲嶺  
外行而夢得酬贈詩云去國十年同赴召渡江千里又  
分歧重臨事異黃丞相三黜名慚柳士師蓋夢得初貶

連州後赴召例授播州子厚以播地遠夢得親老欲拜  
疏以柳易播會大臣亦有爲夢得言者遂改授連州故  
詩有重臨之語子厚以是年三月徙柳州六月到任有  
柳州謝上表柳州舉自代狀柳州上中書門下狀雷塘  
禱雨文萬石亭記柳州山水近治可遊者志從兄弟  
宗直殯祭弟宗直文先聖文宣王柳州廟碑大鑿禪師  
碑大鑿者佛氏之第六祖也東坡居士云柳子厚南遷  
始究佛法作曹溪南嶽諸碑妙絕古今長老重辨師儒  
釋兼通道學純備以謂自唐至今頌述祖師者多矣未  
有通亮簡正如子厚者唐史元和中馬摠自虔州刺史  
遷安南都護徙桂管經畧觀察使以碑考之蓋自安南



遷南海非桂管也可以正唐史之誤

元和十一年丙申

有井銘祭井文寄韋珩詩別舍弟宗一詩韓漳州書報  
澈上人亡因寄詩聞澈上人亡寄楊侍郎丈詩按劉夢  
得靈澈集序云元和十一年終於宣州開元寺卽此年  
也別宗一詩云一身去國六千里萬死投荒十二年自  
承貞元年至是十二年矣

元和十二年丁酉

有代李愬襄州謝上表復大雲寺記東亭記祭楊詹事  
文朗州司戶薛君妻崔氏墓誌笋部師墓誌其誌云丁  
酉之年秋既季卽是年九月也

元和十三年戊戌

有平淮夷雅上裴門下啟上襄陽李僕射啟與邕管李  
中丞啟爲裴中丞乞討黃賊上裴相狀爲裴中丞伐黃  
賊轉牒上李夷簡書答杜溫  
夫書萬年令裴府君墓碣襄陽丞趙君墓誌上夷簡書  
云宗元曩者齒少心銳徑行高步不知道之艱以陷乎  
大阨窮躓隕墜廢爲孤囚日號而望十四年矣獻淮夷  
雅表曰臣負罪竄伏違尙書牋奏十有四年蓋自始貶  
至今十四年也韓退之羅池碑云侯爲州三年柳民旣  
皆喜悅嘗與其部將魏忠謝甯歐陽翼飲酒驛亭謂曰  
吾棄於時而寄於此與若等好也明年吾將死死而爲  
神後二年爲廟祀我及期而死其與部將飲酒驛亭蓋



此年也

元和十四年己亥

是年李師道伏誅有賀破東平表爲裴中丞賀破東平表賀東平赦表賀分滿青爲三道表禮部賀冊尊號表爲裴中丞謝討黃賊表答鄭員外賀啟答諸州賀啟上中書門下狀上裴相狀上裴中丞狀訾家洲亭記韋夫人墳記嶺南監鐵李侍御墓誌邕管李中丞墓誌處士裴君墓誌試大理評事裴君墓誌秘書郎姜君墓誌按唐史吳武陵傳云初宗元謫永州而武陵亦坐事流永州宗元賢其人及爲柳州刺史武陵北還大爲裴度器遇每言宗元無子說度曰西原蠻未平柳州與賊大牙

宜用武人以代宗元使得優游江湖又遺工部孟簡書曰古稱一世三十年子厚之斥十二年殆半世矣靈碑電射天怒也不能終朝聖人在上安有畢世而怒人臣耶且程劉二韓皆已拔拭或處大州劇職獨子厚與猿鳥爲伍誠恐霧露所嬰則柳氏無後矣度未及用而宗元死武陵此書蓋在元和十一年又三年而子厚死矣墓誌云子厚以元和十四年十月五日卒年四十七明年七月十日歸葬萬年先人墓側


柳先生年譜終



柳文年譜後序

昔之論文者或謂文章以氣爲主或謂文窮而益工先生與楊憑書亦曰凡爲文以神志爲主又云自貶官來無事讀百家書上下馳騁乃少得知文章利病先生自妙齡秀發連中異科繼登臺省旋遭斥逐故予以先生文集與唐史參考爲時年譜庶可知其出處與夫作文之歲月得以究其辭力之如何也紹興五年六月甲子知柳州軍州事潞國文安禮序





柳集久逸年譜獨存其序廣陵馬君嶰谷涉江購韓譜後未久復收宋槧柳集殘帙其中年譜完好乃諸本所無因與韓譜同梓是譜辨柳爽爲柳子高伯祖非曾伯祖足訂前賢之疎又陽城自國子司業出刺道州唐史無年月通鑑考異據柳子所作司業遺愛碣謂在貞元十四年譜則以遺愛碣及與太學諸生書並繫貞元十五年與通鑑異然諦觀碣文則譜爲是也集中與太學諸生書題下注貞元十四年乃後人承通鑑之文而失之當據譜釐正至於譜文甚簡蓋倣呂汲公韓譜體例畧具作者出處梗概讀者更詳考之可也

雍正庚戌春日長洲陳景雲識





柳先生年譜正誤


第一頁

豐係隗六世孫宜曰隗六世孫豐 軌係豐六世孫宜曰  
豐六世孫軌 子厚先侍御史神道表且周中書侍郎濟  
陰公則譜稱隋黃門恐誤 三子子融宜添子字

第二頁

高祖子夏宜添高祖二字 從裕子某注臨印令子厚有  
六字下宜添伯祖妣李氏墓誌云我伯祖臨印令府君諱  
某 察躬注臣祖察躬五字下宜添先侍御史府君神道  
表云皇考諱察躬湖州德清令是也 叔某旁注宜曰自  
進士登第歷遷殿中侍御史加度支營田副使 子告注

柳文





似乎作譜者一人注者又一人宜加刪改

貞元九年注求舉矣下宜添其與楊誨之書云吾年十七求進士四年乃得舉則子厚是年為二十一歲 注末宜添五月侍御公考終於親仁里第年五十有五

貞元十四年注宏詞下脫科字

貞元十八年注塾屋當作蓋屋

元和元年注末宜添是年五月母盧氏終於永州年六十有八

元和九年注末宜添是年有詔追赴都按柳州謝上表云去年蒙聖恩除

昔則詔追赴都當在九年譜舊作十年今正之

元和十年注有詔追赴都宜改正月自永州赴京師 六

月到任宜改七月二日到任按志宗直殯云七月南來譜作六月今正之

元和十三年注柳氏當作柳民



柳先生年譜

柳氏之先自黃帝歷周魯孝公子夷伯展孫無駭生禽為魯士師謚曰惠食采於柳下遂姓柳氏楚滅魯仕楚秦并天下柳氏遷於河東秦末柳下惠裔孫安始居解縣安孫隗漢齊相六世孫豐後漢光祿勳六世孫軌晉吏部尚書生景猷晉侍中二子耆純耆號西眷純號東眷耆汝南太守二子恭據恭後魏河東郡守南徙汝頰遂仕江表曾孫緝宋州別駕宋安郡守生僧習與豫州刺史裴叔業據州歸於後魏為揚州大中正尚書右丞方輿公五子鶯慶虬檜鶯慶後魏侍中左僕射平齊公於子厚為七代祖三子機旦肅旦隋黃門侍郎新城男於子厚為六代祖五子燮則綽楷亨則隋左衛騎曹

卯文

年譜



參軍生爽唐中書令新唐史宰相世系表云爽字子燕而  
史府君神道表云會伯祖諱爽字子燕則當以世系表為  
正然爽於待御史為會伯祖則於子厚為高伯祖矣而新  
史子厚傳及韓退之子厚楷隋濟房蘭廊四州刺史厚為  
墓誌皆云會伯祖爽恐誤  
五代 三子融子敬子夏子夏徐州長史為高祖

徐州長史

子夏

從心

回 因 固

從裕

滄州 清池 冷

某 臨邛令子 厚有亡姑 陳氏墓誌 云考諱某 為臨邛令 是也

某

旌德尉子厚有 伯祖妣李氏墓 誌云夫人生男 一人諱某不幸 終於宣州旌德 尉新史云旌德 令恐誤

曹郎

子厚有伯 祖妣李氏 墓誌云有 孫二人長 曰曹郎



察躬  
湖州德清令子厚有讓監察御史狀云臣祖名察躬是也

鎮  
侍御史

宗元

告

禁  
朔方營田副使殿中侍御史集有墓版文

曹婆

字用益退之墓誌云子厚有子男二人長曰周六始四歲卒曰周七子厚卒乃生但不知所謂告者為誰也

纁

華陰主簿集有叔父祭六伯樹文

集有叔妯陸氏遷補誌云夫人生男一人曰曹婆

續綜

皆見叔父墓版文

柳文目錄

夔州刺史劉禹錫編

卷之一

雅詩歌曲

獻平淮夷雅表

平淮夷雅表二篇

鏡歌鼓吹曲并序

眎民詩

貞符并序

卷之二

賦

佩韋賦

瓶賦

牛賦

解崇賦

柳文

目錄



懲咎賦

夢歸賦

愈膏盲賦

閔生賦

囚山賦

卷之三

論

封建論

天爵論

時令論上下

辯侵伐論

四維論

守道論

斷刑論上下

六逆論

卷之四

議辯

晉文公問守原議

桐葉封弟辯

辯文子

辯鬼谷子

辯亢倉子

駁復讎議

辯別子

論語辯二篇

辯晏子春秋

辯鶡冠子

卷之五

碑

箕子碑

柳州文宣王廟碑

太白山祠堂碑并序

湘源二妃廟碑

道州文宣王廟碑

終南山祠堂碑

碑陰文

饒娥碑

卯文

目錄

二



南霽雲睢陽碑 并序

卷之六

碑

曹溪大鑒禪師碑 南嶽彌陀和尚碑

岳州聖安寺無姓和尚碑

碑陰記 龍安海禪師碑

卷之七

碑銘

南嶽雲峯和尚碑 雲峯和尚塔銘 附

南嶽般舟和尚第二碑

大明和尚碑 大明碑陰

衡山中院律師塔銘 附

卷之八

行狀

段太尉逸事狀 柳常侍行狀

陳給事行狀

卷之九

表銘碣誄

相國房公德銘之陰 國子司業陽城遺愛碣

文通先生陸給事墓表

兵部郎中楊公墓碣 侍御史周公碣

衡州刺史呂公誄 戶部郎中魏公誌



永州刺史崔公誌  
永安州刺史崔公權厝誌  
長安萬年裴令墓碣

卷之十

誌

安南都護張公誌 并序  
邕州刺史李公誌 并序  
貴州刺史鄧君誌 并序  
桂管防禦副使呂公誌  
嶺南經略副使馬君誌  
柳州司馬孟公誌  
連州司馬凌君權厝誌  
嶺南鹽鐵院李侍御誌

卷之十一

誌碣誄

大理評事裴君誌  
大理評事柳君誌  
秘書郎姜君誌  
校書郎獨孤君碣  
襄陽丞趙君誌  
溫縣主簿韓君誌 并序  
張先生誌  
虞鳴鶴誄 并序  
裴處士誌  
覃季子誌  
續榮澤尉崔君誌

卷之十二

墓表誌

先侍御史府君神道表



石背先友記  
叔父殿中侍御史墓表  
宏農令府君石表辭

從弟宗直墓誌

卷之十三

墓誌

先夫人歸附誌  
伯祖妣李夫人墓誌

叔妣陸夫人遷附誌  
亡姑陳君夫人墓誌

亡姊崔君夫人墓誌蓋石文  
亡室宏農氏墓誌

下殤女子墓塋銘  
小姪女墓塋銘

王侍郎母劉氏誌  
薛君妻崔氏誌

韋夫人墳記  
馬室女雷五葬誌

卷之十四

對

設漁者對智伯  
愚溪對

對賀者  
杜兼對

天對禁詞天問散入篇內

卷之十五

問答

晉問  
答問

起廢答

卷之十六

卯文

目錄

五



說

天說

鶻說

朝日說

捕蛇者說

禮說

乘桴說

說車

謫龍說

復吳子松說

罷說

觀八駿圖說

卷之十七

傳

朱清傳

種樹郭橐駝傳

童區寄傳

梓人傳

李赤傳

蝮蠖傳

曹文洽韋道安傳

卷之十八

騷

乞巧文

罵尸蟲文 并序

斬曲几文

宥蝮蛇文 并序

憎王孫文

逐畢方文 并序

辯伏神文

愬螭文

哀溺文

招海賈文

卷之十九

弔贊箴戒

卯文

目錄

六



弔萇宏文

弔屈原文

弔樂毅文

伊尹五就桀贊

梁邱據贊

霹靂琴引贊

尊勝幢贊

龍馬圖贊

戒懼箴

憂箴

師友箴

敵戒

臨江之麋

黔之驢

永某氏之鼠

卷之二十

銘雜題

沛國漢原廟銘

劔門銘

塗山銘

并序

壽州安豐縣孝門銘

并序

武岡銘

并序

井銘

并序

舜禹之事

謗譽

咸宜

鞭賈

吏商

東海若

卷之二十一

題序

讀韓愈所著毛穎傳後題序

裴瑾崇豐二陵集禮後序

柳宗直西漢文類集序

楊評事文集後序

濮陽吳君文集序



王氏伯仲唱和詩序

卷之二十二

序

送楊凝郎中使還汴宋詩後序

送崔羣序

送邠寧獨孤書記序

同吳武陵送杜雷後序

送幸南容聯句詩序

送范明府詩序

送苑論詩序

送李判官序

送班孝廉序

送蕭鍊序

送班孝廉序

送獨孤申叔序

送豆盧膺南遊詩序

送趙大秀才序

卷之二十三

序

同吳武陵贈李睦州詩序

送南涪州量移澧州序

送薛存義之任序

送薛判官量移序

送李涇赴京師序

送嚴公貺下第歸興元覲省詩序

送元秀才下第東歸序

送辛始庶下第遊南鄭序

送崔子符罷舉詩序

送蔡秀才下第歸覲序

送韋七下第求益友序



送辛生下第序略

卷之二十四

序

送從兄傅罷選歸江淮詩序

送從弟謀歸江陵序 送澥序

送內弟盧遵遊桂州序

送表弟呂讓將仕進序

陪崔使君遊宴南池序

愚溪詩序

婁二十四秀才花下對酒唱和序

法華寺西亭夜飲賦詩序

序飲

序某

卷之二十五

序

凌助教蓬屋題詩序 送韓豐羣公詩序

送婁圖南秀才遊淮南將入道序

送易師楊君序 送徐從事北遊序

送詩人廖有方序 送元十八山人南遊序

送賈山人南遊序 送方及師序

送文暢上人登五臺遂遊河朔序

送巽上人赴中丞叔父召序 送元嵩師序

送僧浩初序



送琛上人南遊序

送文郁師引

送元舉歸幽泉寺序

送濟上人歸淮南觀省序

卷之二十六

記

監祭使壁記

四門助教壁記

武功縣丞廳壁記

盤屋縣新食堂記

諸使兼御史中丞壁記

嶺南節度使饗軍堂記

館驛使壁記

興州江運記

邠寧進奏院記

全義縣復北門記

卷之二十七

記

潭州楊中丞作東池戴氏堂記

桂州裴中丞作訾家洲亭記

邕州柳中丞作馬退山茅亭記

永州韋使君新堂記 永州崔中丞萬石亭記

零陵三亭記

卷之二十八

記

零陵郡復乳穴記

道州毀鼻亭神記

永州龍興寺息壤記

永州龍興寺東邱記

永州法華寺西亭記

永州龍興寺西軒記



柳州復大雲寺記  
永州鐵爐步志

永州修淨土院記

卷之二十九

記

游黃溪記

始得西山宴游記

鈞鋤潭記

鈞鋤西小邱記

至小邱西小石潭記

袁家渴記

石渠記

石澗記

小石城山記

柳州東亭記

柳州山水近治可游者記

卷之三十

書

寄許京兆孟容書

與楊京兆憑書

與裴墳書

與蕭翰林俛書

與李翰林建書

與顧十郎書

卷之三十一

書

與韓愈論史官書

與史官韓愈致段太尉逸事書

與呂恭書

答劉禹錫天論書

與劉禹錫論易書

答元饒州論春秋書

答吳武陵論非國語書



與呂道州論非國語書

與友人論文書

卷之三十二

書

答元饒州論政理書

答崔饒州食石鐘乳書

答周君巢書

與李睦州論服氣書

卷之三十三

書

與楊誨之書

與楊誨之第二書

答沈起書

與王叅元書

卷之三十四

書

與太學諸生喜詣闕留陽城司業書

答章中立書

答貢士元公瑾書

答嚴厚輿論師道書

報袁君陳秀才避師名書

答韋珩示韓愈相推以文墨事書

答貢士廖有方論文書

答蕭纂求為師書

報崔黯秀才書

答吳秀才書

答杜溫夫書

上門下李夷簡相公書

卷之三十五

啓



上廣州趙宗儒啓  
謝西川武相公啓  
謝襄陽李尙書啓  
賀趙江陵宗儒啓  
與邕州李中丞啓  
謝李中丞啓  
上湖南李中丞啓  
上桂州李中丞啓

卷之三十六

啓

上權補闕温卷啓  
上崔大卿啓  
上裴晉公啓  
上襄陽李涼公啓  
上揚州李趙公啓  
謝李趙公啓  
上江陵趙相公啓  
上嚴東川啓  
上江陵嚴司空啓  
上嶺南鄭相公啓

上李中丞啓  
上桂州裴行立中丞啓  
上河陽烏尙書啓

卷之三十七

表

禮部爲百官上尊號表二首  
禮部賀冊尊號表  
爲京兆府請復尊號表三首  
爲耆老等請復尊號表二首  
禮部爲文武百寮請聽政表三首  
禮部賀永貞改元表  
賀踐阼表  
禮部賀太上皇誥宜令皇帝卽位表



禮部賀立皇太子表

禮部賀皇太子冊禮畢德音表

為王京兆賀皇帝即位禮畢表

代韋中丞賀元和大赦表

禮部賀冊太上皇后表

禮部賀太上皇后冊禮畢表

賀皇太子牋  
御史臺賀嘉禾表

禮部賀嘉禾及芝草表

京兆府賀嘉瓜白兔連理棠樹等表

禮部賀甘露表

禮部賀白龍青蓮花合歡蓮子黃瓜表

禮部賀白鵲表

禮部賀嘉瓜表

為王京兆賀嘉蓮表

為王京兆賀雨表五首

卷之三十八  
表

代裴中丞賀克東平赦表

柳州賀破東平表

代裴中丞賀分淄青為三道節度表

為韋侍郎賀除布衣竇羣右拾遺表

為樊左丞讓官表

為王戶部薦李諒表

為王戶部陳情表

代裴中丞謝討賊表

為崔中丞請朝覲表

代柳公綽謝上表



代李愬襄州謝上表 代節使謝遷鎮表

為裴中丞舉人自代伐黃賊表

為劉同州謝上表 代裴行立謝移鎮表

代韋永州謝上表 謝除柳州刺史表

柳州謝上表 代廣南節使舉人自代表

奏薦從事表 代廣南節使謝出鎮表

為楊湖南謝設表 為武中丞謝賜櫻桃表

謝賜時服表 謝賜端午綾帛衣服表

卷之三十九

奏狀

為廣南鄭相公奏部內百姓產三男狀

為浙東薛中丞奏五色雲狀

為裴中丞奏邕管黃家賊事宜狀

代監察御史狀 為京兆府奏旱狀

為南承嗣請從軍狀 進農書狀

代人進龔器狀 柳州舉人自代狀

上戶部狀 柳州上本府狀

為裴中丞伐黃賊轉牒 賀平淄青後肆赦狀

賀誅淄青李師道狀 賀平淄青後肆赦狀

賀分淄青為三道節度狀

代表中丞上裴相賀破東平狀

為裴中丞乞討黃賊狀



為桂州崔中丞乞朝覲狀

為南承嗣乞兩河効用狀

柳州上中書門下舉人自代狀

為長安耆壽乞復尊號狀

為京畿父老乞復尊號狀

卷之四十

祭文

祭楊憑詹事文

祭穆質給事文

祭呂衡州温文

祭李中丞文

為韋京兆作祭杜河中文

為韋京兆作祭崔太常文

為李京兆作祭楊郎中文

為安南楊侍御作祭張都護文

祭萬年裴合文

祭呂敬叔文

祭崔君敏文

祭段宏古文

祭李中明文

哭張後餘辭

楊氏子承之哀辭

并序

卷之四十一

祭文

舜廟祈晴文

雷塘禱雨文

祭蠡文

禡牙文

祭井文

祭門文



祭六伯母文

祭獨孤丈母文

祭從兄文

祭弟宗直文

祭姊夫崔簡文

又祭崔簡旅觀文

祭崔氏外甥文

祭崔氏外甥女文

祭外甥崔駢文

卷之四十二

古今詩

同劉二十八院長寄澧州張使君八十韻

宏農公五十韻

酬韶州裴使君寄道州呂八大使二十韻

酬婁秀才將之淮南見贈之作

酬婁秀才病中見寄

初秋夜坐贈吳武陵

晨詣超師院讀禪經

贈江華長老

酬巽上人以竹閒自採新茶見贈

零陵贈李卿元侍御簡吳武陵

界圍巖水簾

古東門行

寄韋珩

奉和楊尚書追和故李中書夏日登北樓

楊尚書寄柳筆因獻長韻

南省轉牒欲具注國圖令盡通風俗遺事

與浩初上人同看山寄京華親故

再至界圍巖遂宿巖下



詔追赴都廻寄零陵親故  
過衡山見新花開卻寄弟

汨羅遇風

朗州寶員外寄劉員外見促行走筆酬贈

至前驛卻寄相送諸公

北還登漢陽北原題臨川驛

善謔驛和劉夔得酬淳于先生

詔赴都二月至灞上亭

李西川薦琴石

同劉二十八哭呂衡川兼寄江陵李元二侍御

奉酬楊侍郎送八叔拾遺戲贈南來諸賓二首

商山臨路孤松

與夔得分路

再上湘江

清水驛叢竹

長沙驛前南樓感昔與德公別

桂州北望秦驛手開竹徑釣磯待徐容州

登柳州城樓寄漳汀封連四州

柳州寄丈人周韶州登岷山

得盧衡州書因以詩寄

嶺南江行

答劉連州

柳州峒氓

酬徐二中丞普寧郡內池館卽事

酬賈鵬山人郡內新栽松寓興見贈二首



種柳戲題

柳州二月榕葉盡落遇題

浩初上人見貽絕句欲登仙人山因以酬之

雨中贈仙人山賈山人

別舍弟宗一

奉和周二十二丈酬郴州侍郎

衡江得韶州書并附當州黃茶率然成篇

殷賢戲批書後寄劉連州并示孟崙二童

銅魚使赴都寄親友

韓漳州書報澈上人亡因寄二絕

酬家雞之贈

重贈二首

答前篇

答後篇

疊前

疊後

柳州城西種甘樹

聞澈上人亡寄楊侍郎

段秀才處見亡友呂衡州書迹

柳州寄京中親故

再授連州至衡陽酬贈別

重別夢得

答

三贈劉員外

答

種木槲花

摘櫻桃贈元居士

酬曹侍御過象縣見寄

卷之四十三

古今詩



法華寺石門三十韻 遊朝陽巖二十韻

湘口館瀟湘二水所會

登蒲州石磯望江口潭島深迥對香零山

南澗中題 遊石角過小嶺至長烏村

與崔策登西山 構法華寺西亭

夏夜苦熱登西樓 覺衰

遊南亭夜還七十韻 韋道安

哭連州凌員外司馬 旦携謝山人至愚池

獨覺 首春逢耕者

溪居 夏祈雨後尋愚溪

入黃溪聞猿

韋使君黃溪祈雨見召從行至祠下口號

郊居歲暮 秋曉行南谷經荒村

雨後曉行獨至北池 中夜起望西園值月上

零陵春望 從崔中丞過盧少府

夏晝偶作 雨晴至江渡

江雪 冉溪

法華寺西亭夜飲 戲題石門長老東軒

茆簷下始栽竹 種仙靈毗

種木 種白蘘荷

新值海石榴 戲題堦前芍藥

始見白髮題海石榴 植靈壽木



目錄

自衡陽移桂植零陵 湘岸移木芙蓉植龍興

早梅 南中榮橘柚

紅蕉 巽公院五詠

梅雨 零陵早春

田家三首 行路難三首

聞籍田有感 跋烏詞

籠鷹詞 放鷓鴣詞

龜背戲 聞黃鸝

渾鴻臚宅聞歌効白紵

楊白花 漁翁

飲酒 讀書

感遇二首

詠史

詠三良

詠荆軻

掩役夫張進骸

省試觀慶雲圖

春懷故園

別集上

非國語上三十一篇

別集下

非國語下三十六篇

外集上

披沙揀金賦

迎長日賦

記里鼓賦

吾子

別文

目錄

三



劉叟傳

河間傳

筆郭師墓誌

趙羣秀才墓誌

太府寺李卿外婦馬淑誌

外集下

百官請復尊號表六首

大會議聽政表二首 賀平李懷光表

舉裴冕表 謝賜新茶表

賀破東平表 賀赦表

賀太子牋 賀裴桂州啓

與衛淮南石琴馬啓 答鄭員外賀啓

諸州賀啓

附錄

墓誌祭文廟碑共三篇

韓愈

唐書本傳

宋祁

祭柳柳州文

皇甫湜

祭柳員外文

劉禹錫

重祭柳員外文

劉禹錫

為鄂州李夫人祭柳員外文

劉禹錫

祭柳侯文

曹輔

祭柳侯文

黃翰

祭柳侯文

許尹

永州柳先生祠堂記

汪藻

卯文

目錄

三



舊本柳文後序

穆脩

四明新本柳文後序

沈晦

柳州舊本柳文後序

李禔

柳文年譜後序

文安禮

柳文卷之一

唐劉禹錫編 宋廖甫訂 原本 永州後學楊季鸞重校

唐雅

獻平淮夷雅表

臣宗元言臣負罪竄伏違尚書牋奏十有四年聖恩寬宥  
 命守遐壤懷印曳紱有社有人臣宗元誠感誠荷頓首頓  
 首伏惟睿聖文武皇帝陛下天造神斷克清大憝金鼓一  
 動萬方畢臣太平之功中切興之德推校千古無所與  
 讓因伏自忖度有方剛之力不得備戎行致死命況今已  
 無事思報國恩獨惟文章伏見周宣王時稱中興其道彰  
 大于後罕及然徵於詩大小雅其選徒出狩則車攻吉日

柳文

卷之一

一



命官分土則崧高韓奕烝人南征北伐則六月采芑平淮  
夷則江漢常武鏗錡炳耀盪人耳目故宣王之形容與其  
輔佐由今望之若神人然此無他以雅故也臣伏見陛下  
自卽位以來平夏州夷劍南取江東定河北今又發自天  
衷克翦淮右而大雅不作臣誠不佞然不勝憤踊伏以朝  
多文臣不敢盡專數事謹撰平淮夷雅二篇雖不及尹言  
甫召穆公等庶施諸後代有以佐唐之光明謹昧死再拜  
以獻臣宗元誠恐誠懼頓首頓首謹言

平淮夷雅二篇

皇武命丞相度董師集大功也○皇耆其武于澂于淮既  
巾乃車塚蔡其來狡家昏闇甚毒于醒狂奔叫呶以干大

刑○皇咨于度惟汝一德曠誅四紀其後汝克錫汝斧鉞  
其往視師師是蔡人以宥以釐○度拜稽首廟于元龜既  
禡莫駕切既類于社是宜金節煌煌錫盾雕戈犀甲熊旂威  
命是荷○度拜稽首出次于東天子餞之壘笋是崇鼎臠  
汝朱奴切五獻百籩凡百卿士班以周旋○既涉  
于澗乃翼乃前孰圖厥猶其佐多賢宛宛周道于山于川  
遠揚邇昭陟降連連○我旃我旂于道于陌訓于羣帥拳  
勇來格公曰徐之無恃額額式和爾容惟義之宅○進次  
于鄆彼昏卒狂哀凶鞠頑鋒蝟斧螳赤子匍匐父是亢  
下卽反怒其萌芽以悖太陽○王旅渾渾是佚是怙既獲敵  
師若饑得餽音步蔡凶伊窘悉起來聚左擣其虛靡愆厥慮



○載闢載被丞相是臨弛其武刑諭我德心其危既安有  
 長如林曾是謹讒化爲謳吟。皇曰來歸汝復相予爵之  
 成國昨以夏墟度拜稽首天子聖神度拜稽首皇祐下人  
 ○淮夷既平震是朔南宜廟宜郊以告德音歸牛休馬豐  
 稼于野我武惟皇永保無疆 皇武十有一章章八句  
 方城命愬守也卒入蔡得其大醜以平淮右。方城臨臨  
 王卒峙之匪徹匪競皇有正命皇命于愬往舒余仁踏踏  
 切彼艱頑柔惠是馴。愬拜即命于皇之訓既礪既攻以  
 後厥刃王師嶷嶷熊羆是式銜勇韜力日思予殛。寇昏  
 以狂敢蹈愬疆士獲厥心太祖高驥長戟會矛粲其綏章  
 右剪左屠聿禽其良。其良既宥告以父母恩柔于肌卒

貢爾有維彼攸恃乃偵乃誘維彼攸宅乃發乃守。其恃  
 爰獲我功我多陰謀厥圖以究爾訛雨雪洋洋大風來加  
 于燠其寒于邇其遐。汝陰之茫懸瓠之峨是震是拔大  
 殲厥家狡虜既縻輸于國都示之市人即社行誅。乃諭  
 乃止蔡有厚喜完其室家仰父俯子汝水沄沄既清而瀾  
 蔡人行歌我步逶遲。蔡人歌矣蔡風和矣孰類蔡初胡  
 甦五例切爾居式慕以康爲愿有餘是究是咨皇德既舒。○  
 皇曰咨愬裕乃父功昔我文祖惟西平是庸內誨于家外  
 刑于邦孰是蔡人而不率從。蔡人率止惟西平有子西  
 平有子惟我有臣疇允大邦俾惠我人于廟告功以顧萬  
 方 方城十有一章章八句



唐饒歌鼓吹曲十二篇 并序

負罪臣宗元言臣幸以罪居永州受食府廩竊活性命得  
 視息無治時事恐懼小閒又盜取古書文句聊以自娛伏  
 觀漢魏以來代有饒歌鼓吹詞唯唐獨無有臣為郎時以  
 太常聯禮部嘗聞鼓吹署有戎樂詞獨不列今又考漢曲  
 十二篇魏曲十四篇晉曲十六篇漢歌詞不明紀功德魏  
 晉歌功德具今臣竊取魏晉義用漢篇數為唐饒歌鼓吹  
 曲十二篇紀高祖太宗功能之神奇因以知取天下之勤  
 勞命將用師之艱難每有戎事治兵振旅幸歌臣詞以為  
 容且得大戒宜敬而不害臣淪棄即死言與不言其罪等  
 耳猶冀能言有益國事不敢效怨懟默已謹冒死上

隋亂既極唐師起晉陽平姦豪為生人義王以仁興

武為晉陽武第一

晉陽武奮義威煬之渝德焉歸氓畢屠綬者誰皇烈烈專  
 天機號以仁揚其旗日之昇九土晞訢田圻流洪輝有其  
 二翼餘陷側畧切梟驚連熊螭丑知切枯以肉勅者羸后土  
 蕩元穹彌合之育莽然施惟德輔慶無期

右晉陽武二十六句

唐既受命李密自敗來歸以開黎陽斥東土為獸之  
 窮第二

獸之窮奔大麓天厚黃德狙獷服甲之橐弓弭矢箠皇旅  
 靖敵逾蹙自亡其徒匪予戮屈贊疑與同猛虔慄慄縻以尺



細瞰以秩黎之陽土茫茫富兵戎盈倉箱乏者德莫能享  
驅豺兕授我疆

右獸之窮二十二句

太宗師討王克建德助逆師奮擊武牢下擒之遂降

充為戰武牢第三

戰武牢動河朔逆之助圖倚角怒鼓麀抗喬嶽翹萌芽傲  
霜雹王謀內定申掌握鋪施芟夷二主鏘憚華戎廓封略  
命之膏切卑以斷歸有德唯先覺

右戰武牢十八句

薛舉據涇以死子仁果尤勇以暴師平之為涇水黃

第四

涇水黃隴野茫負太白騰天狼有鳥鷲立羽翼張鉤喙決  
前鉅趨音傍怒飛饑嘯音不可當老雄死子復良巢岫  
飲涓肆翺翺頓地紘提天綱列缺掉幟招搖耀鉞鬼神來  
助夢嘉祥腦塗原野魂飛揚星辰復恢一方

右涇水黃二十四句

輔氏憑江淮竟東海命將平之為奔鯨沛第五

奔鯨沛蕩海垠吐霓翳日腥浮雲帝怒下顧哀墊昏授以  
神柄推元臣手援天矛截脩鱗披攘蒙霧武賦開海門地  
平水靜浮天根羲和顯耀乘清氛赫炎溥暢融大鈞

右奔鯨沛十八句

梁之餘保荆衡巴巫窮南越良將取之不以師為苞



栢牙結二切第六

苞栢對音矣惟根之蟠彌巴蔽荆負南極以安曰音我舊  
梁氏緝綏艱難江漢之阻都邑固以完聖人作神武用有  
臣勇智奮不以眾投跡死地謀猷縱化敵為家慮則中去聲  
浩浩海裔不威而同係縲降王定厥功澶漫萬里宣唐風  
蠻夷九譯咸來從凱還金秦象形容震赫萬國罔不龔

右苞栢二十八句

李軌保河右師臨之不克變或執以降為河右平第七  
河右澶漫頑為之魁王師如雷震崑崙以頽上聾下聰驚  
不可廻助讎抗有德惟人之災乃潰乃奮執縛歸厥命萬  
室蒙其仁一夫則病濡以鴻澤皇之聖威畏德懷功以定

順之于理物咸遂厥性

右河右平十八句

突厥之大古夷狄莫強焉師大破之降其國告于廟  
為鐵山碎第八

鐵山碎大漠舒二虜勁連穹廬葑北海專坤隅歲來侵邊  
或傳附音于都天子命元帥奮其雄圖破定襄降魁渠窮竟  
窟宅斥余吾百蠻破膽邊氓蘇威武輝耀明鬼區利澤彌  
萬祀功不可踰官臣拜手惟帝之暮

右鐵山碎二十二句

劉武周敗裴寂咸有晉地太宗滅之為靖本邦第九  
本邦伊晉惟時不靖根柢之搖枝葉攸病守臣不任勤于



神聖惟鉞之興翦焉則定洪惟我理式和以敬羣頑既夷  
庶績咸正皇慕載大惟人之慶

右靖本邦十四句

李靖滅吐谷渾西海上爲吐谷渾第十

吐谷渾盛強背西海以夸歲侵擾我疆退匿險且遐帝謂  
神武師往征靖皇家烈烈旆其旗熊虎雜龍蛇王旅千萬  
人銜枚默無譁束刃踰山徼張翼縱漠沙一舉刈羶腥尸  
骸積如麻除惡務本根況敢遺萌芽洋洋西海水威命窮  
天涯係虜來王都犒樂窮休嘉登高望還師竟野如六華  
行者靡不歸親戚謹要遮凱旋獻清廟萬國思無邪  
右吐谷渾二十六句

李靖滅高昌爲高昌第十一

魏氏雄西北別絕臣外區既恃遠且險縱傲不我虞烈烈  
王者師熊螭以爲徒龍旂翻海浪驛騎馳坤隅育搏嬰  
兒一掃不復餘平沙際天極但見黃雲驅臣靖執長纓習  
勇伏囚拘文皇南面坐夷狄千羣趨咸稱天子神往古不  
得俱獻號天可汗以覆我國都兵戍不交害各保性與軀  
右高昌二十二句

既克東蠻羣臣請圖蠻夷狀如周書王會爲東蠻第

十二

東蠻有謝氏冠帶理海中自言我異世雖聖莫能通王卒  
如飛翰鵬騫駭羣龍轟然自天墜乃信神武功繫虜君臣



人累累來自東無思不服從唐業如山崇百辟拜稽首咸  
願圖形容如周王會書永永傳無窮睚眦萬狀乖咿嗚乙  
切九譯重廣輪撫四海浩浩知皇風歌詩饒鼓開以壯我  
元戎

右東蠻二十二句

咏民詩

帝眎民情匪幽匪明慘或在腹已如色聲亦無動威亦無  
止力弗動弗止惟民之極帝懷民眎乃降明德乃生明翼  
明翼者何乃房乃杜惟房與杜實爲民路廼定天子廼開  
萬國萬國既分廼釋蠹民廼學與仕廼播與食廼器與用  
廼貨與通有作有遷無遷無作土實蕩蕩農實董董工實

蒙蒙賈實融融左右惟一出入惟同攝儀以引以遵以肆  
音其風既流品物載休品物載休惟天子守乃二公之久  
惟天子明乃二公之成惟百辟正乃二公之令惟百辟穀  
乃二公之祿二公行矣弗敢憂縱是獲憂共二公居矣弗  
敢泰止是獲泰已既柔一德四夷是則四夷是則永懷不  
忒

貞符并序

負罪臣宗元惶恐言臣所貶州流人吳武陵爲臣言董仲  
舒對三代受命之符誠然非耶臣曰非也何獨仲舒爾自  
司馬相如劉向揚雄班彪彪子固皆公龔咄咄推古瑞物  
以配受命其言類淫巫瞽史誑亂後代不足以知聖人立



極之本顯至德揚大功盛失厥趣臣為尙書郎時嘗著貞符言唐家正德受命於生人之意累積厚久宜享無極之義本末閎闊會貶逐中輟不克備究武陵卽叩頭邀臣此大事不宜以辱故休缺音缺使聖王之典不立無以抑詭類拔正道表覈萬代臣不勝奮激卽具為書念終泯沒蠻夷不聞于時猶不為也苟一明大道施于人世死無所憾用是自決臣宗元稽首拜手以聞曰

孰稱古初朴蒙空侗而無爭厥流以訛越乃奮古奪激字鬪怒振動專肆為滯威曰是不知道惟人之初總總而生林林而羣雪霜風雨雷雹暴其外於是乃知架巢空穴挽草木取皮革饑渴牝牡之欲毆其內於是乃知噬禽獸咀果

穀合偶而居交焉而爭睽焉而

力大者搏齒利者齧瓜

剛者決羣衆者軋兵良者殺披披藉藉草野塗血然後強有力者出而治之往往為曹於險阻用號令起而君臣什伍之法立德紹者嗣道息者奪於是有聖人焉曰黃帝遊其兵車交貫乎其內一統類齊制量然猶大公之道不克建於是有聖人焉曰堯置州牧四岳持而綱之立有德有功有能者叅而維之運臂率指屈伸把握莫不統率年老舉聖人而禪焉大公乃克建由是觀之厥初罔匪極亂而後稍可為也而非德不樹故仲尼敘書於堯曰克明俊德於舜曰濬哲文明於禹曰文命祇承于帝於湯曰克寬克仁彰信兆民於武王曰有道曾孫稽揆典誓貞哉惟茲德



實受命之符以奠永祀後之妖淫嚚昏好怪之徒乃始陳  
大電大虹元鳥巨跡白狼白魚流火之烏以爲符斯皆詭  
譎闢誕其可羞也而莫知本于厥貞漢用大度克懷于有  
氓登能庸賢濯瘼煦寒以瘳以熙茲其爲符也而其妄臣  
乃下取虺蛇上引天光推類號休用夸誣於無知氓增以  
騶虞神鼎毆脅縱子勇史音俾東之泰山石閭作大號謂  
之封禪皆尙書所無有莽述承效卒奮驚逆其後有賢帝  
日光武克綏天下復承舊物猶崇赤伏以玷厥德魏晉而  
下龙亂鉤裂厥符不貞邦用不靖亦罔克久駿乎無以議  
爲也積大亂至于隋氏環四海以爲鼎跨九垓以爲鑪囊  
以毒燎燭以虐焰其人沸湧灼爛號呼騰蹈莫有救止於

是大聖乃起丕降霖雨濬滌盪沃蒸爲清氛疏爲冷風人  
乃溲音然休然相睎以生相持以成相彌以寧琢斲屠剔  
膏流節離之禍不作而人乃克完平舒愉尸其肌膚以達  
于夷途焚圻抵掎奔走轉死之害不起而人乃克鳩類集  
族歌舞悅懌用祇于元德徒奮袒呼犒迎義旅謹動六合  
至于麾下大盜豪據阻命遏德義威殄戮威墜厥緒無劉  
于虐人乃並受休嘉去隋氏克歸于唐躑躅謳歌灑灑和  
寧帝庸威栗惟人之爲去聲敬奠厥賦積藏于下是謂豐國  
鄉爲義廩歛發謹飭歲丁大侵人以有年簡于厥刑不殘  
而懲是謂嚴威小屬而支大生而孥愷悌祇敬用底于理  
凡其所欲不謁而獲凡其所惡不祈而息四夷稽服不作



兵革不竭貨力不揚于後嗣用垂于帝式十聖濟厥理孝  
 仁平寬惟祖之則澤久而逾深仁增而益高人之戴唐永  
 永無窮是故受命不于天于其人休符不于祥于其仁惟  
 人之仁匪祥于天匪祥于天茲惟貞符哉未有喪仁而久  
 者也未有恃祥而壽者也商之王以桑穀昌以雉雒大宋  
 之君以法星壽鄭以龍衰魯以麟弱白雉亡漢黃犀死莽  
 惡在其為符也不勝唐德之代光紹明濬深鴻龐大保人  
 斯無疆宜薦于郊廟文之雅詩祇告于德之休帝曰諶哉  
 乃黜休祥之奏究貞符之奧思德之所未大求仁之所未  
 備以極于邦理以敬于人事其詩曰  
 於穆敬德黎人皇之惟貞厥符浩浩將之仁函于膚刃莫

畢屠澤燠于襲鬻同沸炎以滌殄厥凶德乃毆乃夷懿其休  
 風是煦是吹父子熙熙相寧以嬉賦徹而藏厚我糗糧刑  
 輕以清我完靡傷胎我子孫百代是康十聖嗣于治仁后  
 之子予思孝父易患于已拱之戴之神具爾宜載揚于雅  
 承天之假音天之誠神宜鑒于仁神之曷依宜仁之歸濮  
 沿于北祝栗于南幅員西東祇一乃心祝唐之紀後天開  
 墜祝皇之壽與地咸久曷徒祝之心誠篤之神協人同道  
 以告之俾彌億萬年不震不危我代之延永永毗之仁增  
 以崇曷不爾思有號于天僉曰嗚呼咨爾皇靈無替厥符



柳文卷之二

古賦

佩韋賦

柳子讀古書觀直道守節者則壯之蓋有激也恆懼過而  
 失中庸之義慕西門氏佩韋以戒故作是賦其辭曰  
 邈予生此下都兮塊天質之慤醇日月迭而化升兮霽遁  
 初而枉神雕大素而生華兮汨末流以喪真踰往躅而周  
 章兮懜倚伏其無垠世既奪予之大和兮眷授予以經常  
 循聖人之通途兮鬱縱臆而不揚猶悉力而究陳兮獲貞  
 則于典章嫉時以奮節兮憫已以抑志登嵩邱而垂目兮  
 瞰中區之疆理橫萬里而極海兮頽風浩其四起恟驚恒



而躑躅兮惡浮詐之相詭思貢忠于明后兮振教導乎遐  
軌紛吾守此狂狷兮懼執競而不柔探先哲之奧謨兮攀  
往列之洪休曰沈潛而剛克兮固讜人之嘉猷嗟行行而  
蹟蹟兮信往古之所仇彼穹壤之廓殊兮寒與暑而交修  
執中而俟命兮固仁聖之善謀吾祖士師之直道兮亦愀  
然於伐國尼父戮齊而誅卯兮本柔仁以作極蘭竦顏以  
誚秦兮入降廉猶臣僕吉優繇而布和兮殘萑蒲以屏匿  
歲切居衛切拔刀於霸侯兮退躬切躬而畏服寬與猛其相  
濟兮孰不頌茲之盛德克明哲而保躬兮恢大雅之所勗  
陽宅身以執剛兮卒易帥而蒙辜羽復心以鑿音志兮首  
身離而不懲雲岳岳而專強兮果黜志而乖圖咸觸屏以

拒訓兮肆頌越而就陵治訐諫于昏朝兮名崩弛而陷誅  
苟縱直而不羈兮乃變罹而禍仍歷九折而直奔兮固摧  
轅而失途遵大路而曲轍兮又求達而不能廣守柔以允  
塞兮抵暴梁而壞節家撫謙而溫美兮脅子公而喪哲義  
師仁而惡狠兮遂潰騰而滅裂斯委懦以從邪兮悼上蔡  
其何補徐偃柔以屏義兮倏邦離而身虜桑宏和而卻武  
兮渙宗覆而國舉設任柔而自處兮蒙大戮而不悟故曰  
純柔純弱兮必削必薄純剛純強兮必喪必亡韜義于中  
服和于躬和以義宣剛以柔通守而不遷兮變而無窮交  
得其宜兮乃獲其終姑佩茲韋兮考古齊同亂曰韋之申  
申佩于躬兮本正生和探厥中兮哲人交修樂有終兮庶



寡其過追古風兮

瓶賦

昔有智人善學鴟夷鴟夷蒙鴻二字並聲壘營音鶯相追諂誘  
吉士喜悅依隨開啄倒腹斟酌更持味不苦口昏至莫知  
頽然縱傲與亂為期視白成黑顛倒妍媸已雖自售人或  
以危敗眾亡國流連不歸誰主斯罪鴟夷之為不如為瓶  
居井之肩鈎深挹潔淡泊是師和齊五味寧除渴饑不甘  
不壞久而莫遺清白可鑒終不媚私利澤廣大孰能去之  
綆絕身破何足怨咨功成事遂復于上泥歸根反初無慮  
無思何必巧曲徼覲一時子無我愚我智如斯

小賦

若知牛乎牛之為物魁形巨首垂耳抱角毛革疎厚牟然  
而鳴黃鍾滿脰抵觸隆曦日耕百畝往來脩直植乃禾黍  
自種自歛服箱以走輸入官倉已不適口富窮飽饑功用  
不有陷泥蹙塊常在草野人不慚愧利滿天下皮角見用  
肩尻苦刀切莫保或穿絨滕或實俎豆由是觀之物無踰者  
不如羸驢服逐駑馬曲意隨勢不擇處所不耕不稼藿菽  
自與騰踏康莊出入輕舉喜則齊鼻怒則奮躑當道長鳴  
聞者驚辟善識門戶終身不惕牛雖有功於已何益命有  
好醜非若能力慎勿怨尤以受多福

解崇賦并序

柳子既謫猶懼不勝其口筮以元遇干之八其贊曰赤舌



燒城吐水于瓶其測曰君子解崇也喜而爲之賦  
胡赫炎薰熇之烈火兮而生夫人之齒牙上殫飛而莫遁  
旁窮走而逾加九泉焦枯而四海滲涸兮紛揮霍而要遮  
風雷唬唬以爲橐籥兮回祿煽怒而喊呀炖他昆切堪輿爲  
甌女塞切鍤兮熱雲漢而成霞鄧林大椿不足以充於燎兮  
倒扶桑落棠膠輻而相叉膏搖脣而增熾兮焰掉舌而彌  
葩沃無瓶兮撲無雪金流玉鏤兮曾不自比於塵沙獨淒  
已而燠物愈騰沸而骹丘交容牙切吾懼夫灼爛灰滅之  
爲禍往搜乎太元之奧訟衆正訴羣邪曰去爾中躁與外  
撓姑務清爲室而靜爲家苟能是則始也汝邇今也汝遐  
涼汝者進烈汝者賒譬之猶豁天淵而覆原燎夫何長喙

之紛拏今汝不知清已之慮而惡人之譁不知靜之爲勝  
而動焉是嘉徒遑遑乎狂奔而西愫盛氣而長嗟不亦遠  
乎於是釋然自得以冷風濯熱以清源滌瑕履仁之實去  
盜之夸冠太清之元冕佩至道之瑤華鋪冲虛以爲席駕  
恬泊以爲車瀏乎以遊於萬物者始彼狙雌倏施而以崇  
爲利者夫何爲邪

懲咎賦

懲咎愆以本始兮孰非余心之所求處卑汗以閔世兮固  
前志之爲尤始予學而觀古今怪今昔之異謀惟聰明爲  
可考兮追駿步而遐遊潔誠之旣信直兮仁友藹而萃之  
日施陳以繫縻兮邀堯舜與之爲師上臍肝而混茫兮下



駁詭而懷私旁羅列以交貫兮求大中之所宜曰道有象  
兮而無其形推變乘時兮與志相迎不及則殆兮過則失  
貞謹守而中兮與時偕行萬類芸芸兮率由以寧剛柔弛  
張兮出入綸經登能抑枉兮白黑濯清蹈乎大方兮物莫  
能嬰奉訐謨以植內兮欣余志之有獲再徵信乎策書兮  
謂炯然而不惑愚者果於自用兮惟懼夫誠之不一不顧  
慮以周圖兮專茲道以爲服讒妬構而不戒兮猶斷斷於  
所執哀吾黨之不淑兮遭任遇之卒迫勢危疑而多詐兮  
逢天地之否隔欲圖退而保已兮悼垂期乎曩昔欲操術  
以致忠兮眾呀然而互嚇進與退吾無歸兮甘脂潤乎鼎  
鑊幸皇鑒之明宥兮纍郡印而南適惟罪大而寵厚兮宜

夫重仍乎禍謫既明懼乎天討兮又幽慄乎鬼責惶惶乎  
夜寤而晝駭兮類磨九笏磨加音之不息凌洞庭之洋洋兮  
沂湘流之沆沆飄風擊以揚波兮舟摧抑而迴遑日霾曠  
翳音以昧幽兮翺雲涌而上屯暮屑蘇骨窅切以淫雨兮聽嗽  
嗽之哀猿衆鳥萃而啾號兮沸洲渚以連山漂遙逐其詎  
止兮逝莫屬余之形魂攢轡奔以紆委兮東洶湧之崩湍  
畔尺進而尋退兮盪洞汨乎淪漣際窮冬而止居兮羈纍  
芬以縈纏哀吾生之孔艱兮循凱風之悲詩罪通天而降  
酷兮不亟死而生爲逾再歲之寒暑兮猶質質而自持將  
沉淵而隕命兮詎蔽罪以塞禍惟滅身而無後兮顧前志  
猶未可進路呀以割絕兮退伏匿又不果爲孤囚以終世



兮長拘孿而轆軻曩余志之脩騫兮今何爲此戾也夫豈  
貪食而盜名兮不混同於世也將顯身以直遂兮衆之所  
宜蔽也不擇言以危肆兮固羣禍之際也御長轅之無橈  
兮行九折之峩峩卻驚棹以橫江兮泝凌天之騰波幸余  
死之已緩兮完形驅之旣多苟餘齒之有懲兮蹈前烈而  
不頗死蠻夷固吾所兮雖顯寵其焉加配大中以爲偶兮  
諒天命之謂何

閔生賦

閔吾生之險阨兮紛喪志以逢尤氣沈鬱以杳眇兮涕浪  
浪而常流膏液竭而枯居兮魄離散而遠遊言不信而莫  
余白兮雖遑遑欲焉求合喙而隱志兮幽默以待靜爲與

世而斥謬兮固離披以顛隕騏驥之棄辱兮駑駘以爲騁  
元虬蹶泥兮畏避鼃鼃行不容之崢嶸兮質魁壘而無所  
隱鱗介槁以橫陸兮鴟嘯羣而厲吻心沈抑以不舒兮形  
低摧而自愍肆余目於湘流兮望九疑之垠垠波淫溢以  
不返兮蒼梧鬱其蜚雲重華幽而野死兮世莫得其僞真  
屈子之悵微兮抗危辭以赴淵古固有此極憤兮矧吾生  
之藐艱列往則以考已兮指斗極以自陳登高岳而企踵  
兮瞻故邦之殷麟山水浩以蔽虧兮路蒼勃以揚氛空廬  
頽而不埋兮翳邱木之榛榛塊窮老以淪放兮匪魑魅吾  
誰隣仲尼之不惑兮有垂訓之暮言孟軻四十乃始持心  
兮猶希勇乎黜賁顧余質愚而齒減兮宜觸禍以咎音身



知徒善而革非兮又何懼乎今之人噫禹績之勤備兮曾  
莫理夫茲川殷周之廓大兮南不盡夫衡山余囚楚越之  
交極兮邈離絕乎中原壤汗潦以墳洳兮蒸沸熱而恆昏  
戲鳧鶴乎中庭兮兼葭生於堂筵雄虺蓄形於木杪兮短  
狐伺景於深淵仰矜危而俯慄兮弭日夜之拳擥慮吾生  
之莫保兮忝代德之元醇孰眇軀之敢愛兮竊有繼乎古  
先明神之不欺余兮庶激烈而有聞冀後害之無辱兮匪  
徒蓋乎曩愆

夢歸賦

罹擯斥以窘束兮余惟夢之爲歸精氣注以凝沍兮循舊  
鄉而顧懷父余寐于荒陬兮心慊慊而莫違質舒解以自

恣兮息情翳而愈微歛騰湧而上浮兮俄滉漾之無依圓  
方混而不形兮顛醇白之霏霏上茫茫而無星辰兮下不  
見夫水陸若有鉢音述余以往路兮馭儼儼以回復浮雲縱  
以直度兮云濟余乎西北風纏所爾纏以經耳兮類行舟  
迅而不息洞然于以瀾漫兮虹蜺羅列而傾側橫衝颺以  
盪擊兮忽中斷而迷惑靈幽漠以澗反汨越筆兮進悒  
悒而不得白日邈其中出兮陰霾披離以泮釋施岳瀆以  
定位兮牙即互參差之白黑忽崩騫上下兮聊按行而自  
抑指故都以委隆兮瞰鄉閭之脩直原田蕪穢兮崢嶸榛  
棘喬木摧解兮垣廬不飾山嵎嵎以崑立兮水汨汨以漂  
激魂恍惘若有亡兮涕汪浪以隕軾類曠黃之黥漠兮欲



周流而無所極紛若喜而怡救吏擬音切兮心回互以壅塞  
鍾鼓惶音橫以戒旦兮陶去幽而開寤曾尉蒙其復體兮孰  
云桎梏之不固精神之不可再兮余無蹈夫歸路偉仲尼  
之聖德兮謂九夷之可居惟道大而無所入兮猶流游乎  
曠野老聃遁而適戎兮指淳茫以縱步蒙莊之恢怪兮寓  
大鵬之遠去苟遠適之若茲兮胡為故國之為慕首音邱  
之仁類兮斯君子之所譽鳥獸之鳴號兮有動心而曲顧  
膠余衷之莫能捨兮雖判折而不悟列茲夢以三復兮極  
明昏而告愬

囚山賦

楚越之郊環萬山兮勢騰踊夫波濤紛對迴合仰伏以離

迥兮若重墉之相褒爭生角逐上軌旁出兮其下圻裂而  
為壕欣下頽以就順兮曾不畝平而又高沓雲雨而漬厚  
土兮蒸鬱勃其腥臊陽不舒以擁隔兮羣陰溼與溼同而為  
曹側耕危穫苟以食兮哀斯民之增勞積林麓以為叢棘  
兮虎豹咆嘯代狴牢之吠嗥予胡井管鳥丸切以管視兮窮  
坎險其焉逃顧幽昧之罪加兮雖聖猶病夫嗷嗷匪兕吾  
為柙兮匪豕吾為牢積十年莫吾省者兮增蔽吾以蓬蒿  
聖日以理兮賢日以進誰使吾山之囚吾兮滔滔

愈膏盲疾賦

景公夢疾膏盲音荒尚謂虛假命秦緩以候問遂伏身于堂  
下公曰吾今形體不衰筋力未寡子言其有疾者何也秦



緩乃窮神極思曰夫上醫療未萌之兆中醫攻有兆之著  
目定死生心存取舍亦猶卞和獻含璞之璧伯樂相有孕  
之馬然臣之遇疾如泥之處疳疾之遇臣如金之在冶雖  
九竅未擁四支且安膚腠營胃外強中乾精氣內傷神沮  
脉殫以熱益熱以寒益寒針灸不達誠死之端巫新麥以  
爲識果不得其所餐公曰固知天賦性命如彼暄寒短不  
足悲脩不足歡哂彼醫兮徒精厥術如何爲之可觀醫乃  
勃然變色攘袂而起子無讓我我謂於子我之技也如石  
投水如弦激矢視生則生視死則死膏盲之疾不救衰亡  
之國不理巨川將潰非捧土之能塞大厦將崩非一木之  
能止斯言足以喻大子今察乎孰是爰有忠臣聞之憤怨

忘寢廢食擗音標切感歎生死浩浩天地漫漫緩之則  
壽撓之則散善養命者鮐背鶴髮成童兒善輔弼者殷辛  
夏桀爲周漢非藥曷以愈疾非兵胡以定亂喪亡之國在  
賢哲之所扶匡而忠義之心豈膏盲之所羈絆余能理亡  
國之利弊愈膏盲之患難君謂之何以醫曰夫八絃之外  
六合之中始自生靈及乎昆蟲神安則存神喪則終亦猶  
道之紊也患出於邪佞身之憊也疾生於火風彼膏盲之  
與顛覆匪藥石而能攻者哉因此而言曰予今變禍爲福  
易曲成直寧關天命在我人力以忠孝爲干櫓以信義爲  
封殖拯厥兆庶緩乎社稷一言而熒惑退舍一揮而義和  
匪吳桑穀生庭而自滅野雉雒鼎而自息誠天地之無親



柳文 卷之二  
曷膏肓之能極醫者遂口噤心醉踖歛茫然投棄針石匍  
匍而前吾謂治國在天子調治國在賢吾謂命不可續子  
謂命將可延詎知國不足理疾不足痊佐荒淫爲聖主保  
天壽而長年皆正直之是與庶將來之勉旃

柳文卷之二終

柳文



